

॥ भाग्यसूक्तम् ॥

(तैत्तिरीय ब्राह्मणम् अष्टकम् - ३/प्रश्नः - ८/अनुवाकम् - ९)

प्रा॒तर॒ग्निं प्रा॒तरिन्द्र॑ हवामहे प्रा॒तर्मित्रा॑ वरुणा प्रा॒तर॒श्विना॑।
प्रा॒तर्भगं॑ पू॒षणं॑ ब्रह्म॑ण॒स्पतिं॑ प्रा॒तः सोम॑मु॒त रु॒द्रं हु॑वेम॥१॥

प्रा॒तर्जितं॑ भग॑मु॒ग्रं हु॑वेम व॒यं पु॒त्रमदि॑ते॒र्यो वि॒धृता॑।
आ॒र्द्धश्चि॒द्वं म॒न्य॑मानस्तु॒रश्चि॒द्राजा॑ चि॒द्वं भगं॑ भ॒क्षीत्याह॑॥२॥

भग॑ प्रणै॒तर्भग॑ सत्य॑राधो भगे॒मां धिय॑मुद॒वद॑न्नः।

भग॑प्रणो॒ जनय॑ गोभि॒रश्वै॑र्भग॑प्र॒नृभिर्नृ॑वन्तः स्याम॥३॥

उ॒तेदानीं॑ भग॑वन्तः स्यामो॒त प्रपि॑त्व उ॒त मध्ये॑ अ॒ह्नाम्।

उ॒तोदि॑ता मघ॒वन्त॑सूर्य॒स्य व॒यं दे॒वानां॑ सु॒मतौ स्या॑म॥४॥

भग॑ ए॒व भग॑वा॒ अस्तु॑ दे॒वास्तेन॑ व॒यं भग॑वन्तः स्याम।

तं त्वा॑ भग॑ सर्व॒ इज्जो॑हवीमि॒ सनो॑ भग॑ पु॒र ए॒ता भ॑वे॒ह॥५॥

सम॑ध्व॒रायोष॑सो॒ऽनम॑न्त दधि॒क्रावै॑व शुच॑ये प॒दाय॑।

अ॒र्वाची॑नं व॒सुवि॑दं भग॑न्नो॒ रथ॑मि॒वाश्वा॑वा॒जिन॑ आव॑हन्तु॥६॥

अश्वा॑वती॒र्गोम॑तीर्न उ॒षासो॑ वी॒रव॑तीः स॒दमु॑च्छन्तु भ॒द्राः।

घृ॒तं दु॒हाना॑ वि॒श्वतः॑ प्र॒पी॒ना यू॒यं पा॑त स्व॒स्तिभिः॑ सदा॑ नः॥७॥

यो मा॑ऽग्रे भा॒गिन॑ ह॒ सन्त॑मथाभा॒गं चि॒कीर्ष॑ति।

अभा॑गम॒ग्रे तं कुरु॑ माम॒ग्रे भा॒गिनं॑ कुरु॥८॥

This PDF was downloaded from <http://stotrasamhita.github.io>.

GitHub: <http://stotrasamhita.github.io> | <http://github.com/stotrasamhita>

Credits: <http://stotrasamhita.github.io/about/>